



832630

寫韻樓詩集卷四

後圃同外子看梅

手扶疏影看橫斜
香色今朝畧減些
青竹籬邊茅舍後
無人知道有梅花

梅影

誰家橫玉笛吹散寒江雪
墮地談殘花分明依古月

見如絲女士絕句感賦

櫻桃湖上月遲遲
曾照牽衣泣別時
萬里長江江更遠
東風愁絕柳如絲

寫韻樓詩集

卷四

附原詩

柳 綫

七年乖隔遠懷孤
忽睹慈顏忍淚呼
第一牽衣先要問
阿耶強健似孃無

白桃花

不覺春風次第過
教人無奈碧桃何
水晶簾下排銀蒜
扶上月光生白波


題生香詩草

武林顧信芳作

洗卻口脂香
詩情細較量
雨花生慧業
啼鳩欲回腸
瘦影花同病
家山夢故長
何人心最折
題自沈東陽

詩為沈歸愚宗伯評

本



題張子白進士畫眉圖

菱花冷浸一痕新
畫出雙彎筆底春
不道纖纖簾外月也
來妝閣照詩人

張進士以其妹筠如女士畫扇見貽賦謝

頌椒才調數劉家
餘事還將六法夸
疊處愁痕嫌墨淡
描時翠裏受風斜
光分天上團圓月
豔絕人間姊妹花
卻笑寒閨持贈少
只將詩句學塗鴉

題空山聽雨圖

離人只合住空山
無奈空山風雨寒
已是夜深聽不得
如何更種竹千竿

寫韻樓詩集

卷四

食雁來紅作

風味香菰上芳名
秋草中江鄉菱芡滿
儂愛雁來紅

夏日雨晴

溼煙不飛草如沐
頁綠陰陰手可掬
鄰家新種絲瓜花
青竹一枝扶上屋

張進士自吳門過訪外子談詩竟夕次見題鶯湖

載月圖韻四首卽送入都

疏疏小雨織斜文
雙槳飛來鏡面分
畢竟煙波消受慣
燕梢猶帶五湖雲

未解論詩賴指迷
深談頻翦燭花齊
笑它竹外三更月也

自窺簾不肯西

香草滿山長射千出山花發共誰看殷勤說與閒鷗鷺遲
十年來盟未寒

春生竹閣夢回遲琴韻泠泠風一絲此後有人求判牘也
綠書法也綠詩

絕句寄外子

風前挽住柳千絲自問心頭也覺癡獨有新詩書草草吟
情未許侍兒知

郭文學寄惠梅花盒子係前明萬歷年葆素製賦

謝一律

寫韻樓詩集 卷四

珍重添香盒歡生玉女益貪因收蝶粉癡欲葬花魂驛使
江南寄良工異代論妝臺明鏡底時對古梅根

夜霽

黃昏檐漏歇人亦霽愁顏雨洗月初出風扶雲共還竹光
明滅裏花氣有無閒不覺憑闌久涼生約指環

秋夜坐寫韻樓有作寄外子

寒蛩唧唧絮殘秋聽不分明嬾倚樓多謝一彎眉樣月伴
儂無睡上簾鉤

郭文學以蕉葉硯夸示外子兼屬製匣質美工良

洵堪珍賞欲倩外子乞之先之以詩

璞玉從來衒玉非可知
厨畫亦能飛
隍中請驗
薪人夢天
上會支織女
機那得鄭珠
和積買何妨
趙璧易城歸
綠窗待試螺丸
墨環燕書成
較瘦肥

題過牆梅團扇

宮妝半絕點梅花
當面呈身背面遮
牆角一枝真有意
傳將春信到鄰家

程韻篁文學乞題蘭花畫卷爲賦二絕

聞道蘭花似美人
畫家子細認全身
微風淡月香清遠
寫出心頭一段春

焚香髣几撫瑤琴
夢遠瀟湘不可尋
漫說幽芳成獨賞
分

寫韻樓詩集

卷四

四

明空谷有知音

外子好奕戲以此詩

一局方闌已爛柯
山中甲子苦無多
不如靜坐東坡老
一日還分兩日過

中秋坐月

畫船簫鼓沸中秋
月影燈光逐水流
誰道萬家同夢裏
更無人倚最高樓

題外子畫梅

細雨輕煙澹澹妝
水邊籬落自生香
分明昨夜當窗見
明月一天影上牆

題彭甘亭上舍詩稿

從軍少小入居庸塞上青山避筆峯駿馬一朝辭白傅

集

有賣馬行霜風五夜警黃鐘熟精文選難爲體羅列星辰有此

胸歸向伯通橋下住高歌愁煞讀書儒

每因夫婿手抄時讀徧彭宣絕妙辭嘔出心肝愁血少淒

如風雨總情癡深宵常與一燈共落筆便求千古知多少

書魚能食字不成仙去是凡姿

題沈羅雲女史秋閣捲簾圖

小閣涼生風乍吹飄來殘柳不成絲倚闌人與秋俱癡只

有西山暮雨知

寫韻樓詩集 卷四

五

放歸燕子主人情蝙蝠簾旌拍翅輕昨夜夢中曾見月玲

瓏看得不分明

題倚竹圖

幾叢寒玉碧參差石畔溪邊好賦詩小試畫羅纖手慣春

痕劃破一枝枝

半弓便是瀟湘館聽徹冷風滿窗翠裊看君閒倚好一

般瘦影自雙雙

讀書

小樓悄無聲檐前新月吐爐爇一瓣香簾幙重重護讀書

緬古人隱約在章句開編多豕魚尋繹喜先悟校讐不憚

頗得新仍在故識字不能仙終慙穿書蠹

家藏顧橫波夫人墨蘭畫冊柳聲蕪題絕句十首
近沈孟嫻女士題其籤曰美人香草因次聲蕪

原韻

一枝珍重對蠻箋吹煞東風不放顛直把一生心事寫清
香淡墨莫分看

羣玉山頭寫性真一番冰雪十分新終嫌塵土添情累儼
向空山不見人

合把冰心貯玉壺此身漫說託根孤枝枝不著些微土如
此江山畫得無

寫韻樓詩集

卷四

六

情詞寫照逼眞眞要比楊枝洗路塵一切觀應作如是現
它說法女兒身

紅豆莊前和露種絳雲樓上倚聲歌猗蘭欲譜無人會投
老心情喚奈何

不藉春風春雨栽幽香竟體立蒼苔漫書十首無頭尾半
是含酸帶怨來

儂家藏得此靈枝織字愁無絕妙辭不省詩情何處是橫
波說與兩眉知

直須認取主人翁舞煞天花只是空留得一莖香草在便
教愁雨復愁風

佳人難得繫相思爲我題籤寫玉姿四字騷經包括盡細
從九畹認分支

名花傾國奈根塵淨業都歸空谷春不是斷腸人不說打
頭先要弔湘神

附原詩

興來潑墨滿吟箋半是張顛半米顛俗眼迷離渾不辨
喘宅持作畫圖看 暫向幽芳一寫真筆花飛落墨痕
新總然冷淡難隨俗 巖谷而今有幾人 讀罷離騷酒
一壺殘燈照影夜猶孤看來如夢復如幻未審此身得
似無 眼界空華假復真花花葉葉淨無塵千秋琴操
猶餘調半是騷人現化身 翻風解作前溪舞泣露猶
聞子夜歌一片幽懷誰領畧 託根無地奈渠何 不共
青芝石上栽肯容荆棘與莓苔根苗淨洗無塵土好懷
東風送雨來 泣露啼煙三兩枝寫來真作斷腸辭懷
香老去憑誰惜獨抱奇姿只自知 閒評爭說所南翁
向後人文半已空莫訝豪倫花葉減柏宅筆墨惱春風

寫韻樓詩集

卷四

七

晚窗夢醒繫相思靜對瀟湘九畹姿世眼大都看色
相枝頭何不點燕支 嬾踏長安九陌塵獨憐空谷十
分春豪端畫破虛空 界想見臨池妙人神

丙戌三月既望偶檢閱顧夫人所寫墨蘭一葉清妍
秀潤綽約有林下風真堪什襲藏也率題數絕以識
景仰如
是并跋

附和詩

范玉

睂樓已杳絳雲空墨會靈簫似夢中一種天涯芳草恨
幽蘭絲柳各春風

想見含豪思不禁託根無地意良深楚纍若解離騷賦
定識湘江二女心

題瀟湘館圖

情海情天一念差淚珠替爾灑窗紗無端教熟新鸚鵡不
管春風哭落花

聽來都是斷腸聲斑竹蕭蕭夢不成若向太虛天裏住無
情那得證無生

久不晤麗卿詩以招之

一般仙里住梨花望白雲中便是家各自小樓聽夜雨平
分修竹長籬笆詩藏翠裏香先引秋卷疏簾夢不遮儻得
故人能過我便呼小婢瀹新茶

題纖纖曉游鄧尉遺詩

支峯蔓壑影橫斜香雪重重望眼賒想像玉魂何處是半

寫韻樓詩集

卷四

八

山明月萬梅花

零珠碎玉檢遺箋淡墨傾歎絕可憐今日題詩倍惆悵要
將一語補情天

題蘅夢樓詞

漂零如此亦關天慘綠衫痕記少年只向風前怨紅豆悔
教舌底長青蓮傷心圓澤三生夢低首楞嚴十種仙竹垞
迎陵同老去江湖載酒有誰憐

外子爲余刪訂舊稿口占一絕

叢殘一卷替研尋五夜推敲漏欲沈隔幅窗紗聽更好方
知詩要別人吟

謝閩友惠物

握得摩尼一串珠妙香鼻觀證如如從今卸下金條脫伴
我閉窗讀道書

親攜明月試泉來茶具遙頌笑口開相約高樓風雪夜消
寒同撥一爐灰

題秋山詩意畫冊

漠漠湖光澹澹愁有人煙雨小句留山如削黛偏宜遠詩
到仙心不易修寒力三分欺客帽絮雲四面擁簾鉤望中
多少清吟典況是蕭蕭木葉秋

過畫眉橋

寫韻樓詩集

卷四

九

綠楊如線拂條條一鏡萍開刺短橈兩岸鶯花春不管東
風吹過畫眉橋

次韻魏霞城文學見題近稿印題赤城霞起圖

漫許當年詠絮才燈花交映筆花開分明一幅銀光紙也
帶明霞萬丈來

姑蘇臺下日謳思側帽花前寫妙詞借得龍梭教織字自
嫌錦段不成絲

赤城霞似錦城花靈運當年入永嘉此後春風吹入夢等
閒草木也仙家

詩骨從來說建安才名蛟蝶早驚看簫聲吹出雲仙引昨

夜月明飛玉鸞

題問花樓詩草

紫姹紅嫣字字新
衆香爲國月爲鄰
合教斂手推才筆
未許論心證宿因
越水吳山雙畫屐
蘆簾紙閣兩詩人
一編試向花閒問
桃李無言媚好春

寫韻樓詩集

卷四

男晉鎔校字

十

夜月明飛玉鸞

寧波府志卷四

身置錄校正

十

寫韻樓詩集卷五

震澤吳瓊仙子佩

庚申二月初外子話別韻

苦語從頭說斷腸
三千里外費思量
此行定有還鄉夢
好爲護花護北堂

紛紛離緒亂如絲
唱到驪歌得句遲
不是成行教小住
只愁未定到家時

臨行再賦送外子

寫韻樓頭夜話長
閉門無計上河梁
長亭短堠同誰伴
薄暖輕寒要自量
小別未經真草草
歸期預約轉茫茫
癡情

寫韻樓詩集 卷五

欲化天邊月一路隨君入

帝鄉

花朝

不倚闌干不倚樓
春風一榻懶扶頭
花朝莫要兒童祝
祝得花開不替愁

種芭蕉

芭蕉影好碧沈沈
種向階前伴苦吟
分付侍兒休折取
要它葉葉護芳心

上巳

今年與去年一樣芳菲節
春也不教知
良人花裏別

三月十三日得外子書知已抵揚關有詩三首次

韻寄呈

飛來尺素帶江煙展向紅樓繡幕前正是冶春好天氣綠
楊城郭似當年

未慣離家自憶家隨風瑟瑟片帆斜可知青竹槍籬外閒
煞一枝紅杏花

得書轉輾不成眠要和南來第一篇挑盡殘燈書草草不
多離思極淒然

越二日又得書并詩

何止離腸日九回雙魚傳到轉疑猜不知客路平安否持

寫韻樓詩集

卷五

向燈前未敢開

新詠樓望菜花寄外

畫樓高處拓簾旌獨倚東風愛嫩晴一片夕陽看爛漫十
分春色到清明隔溪但覺煙都活平野渾疑草不生正是
好花開陌上天涯游屐滯歸程

看樓前牡丹有懷

一例春痕到牡丹春風春雨太闌珊
恩恩花裏搖鞭去換得豐臺芍藥看

送春前一日作

風雨又絲絲黃昏夢破時惜春春不管說與落花知

題梅花畫帳

不知是月是梅花護著吟魂四面遮
半夜夢回燈影亂一枝移向枕函斜

不分春夏與秋冬一例香聞曉夜中
冷抱梅花清徹骨當年卻笑趙師雄

四月十九日得外子書書後

好花看半開美酒飲微醉分身復分心
直得歸來未

月夜看庭前芍藥

關千十二繡簾遮獨坐深宵燈影斜
懊惱一丸明月上團團照見可憐花

寫韻樓詩集

卷五

苦雨不寐

無限離心悵遠天那堪苦雨又絲絲
愁難自掃過牆竹露怕輕翻出水蓮
滿院風涼驚鐵馬昨宵夢亂卜金錢
打窗點點聲何急一夜分明似一年

四月二十四日得外子書及道中諸詩并訂歸期

賦寄京師

手書鄭重對花開詩稿零星滿鏡臺
準得歸期還算早好隨牛女渡河來

閏月八日得外子初到京書

出門無相親所賴在朋友况當故鄉人
又復兼親厚殷勤

託素書到日惟恐後如何紅鯉魚故意遲之久開緘讀百
回臨封憶翹首結交在黃金何怪反覆手屠狗本燕市風
義古人有

端午有懷

照眼榴如火肯教令節孤婢九經驗藥兒索辟邪符客社
宜栽葛芳卮且泛蒲樓居尙多感况復在長途

五月十五日得外子立夏後四日書并寄懷詩一

首

破愁無計理殘妝忽下雲中字數行知否惜春人病久清
吟百遍當良方

寫韻樓詩集

卷五

四

長夏苦熱戲爲游仙詩三十首

碧海青天有路通前身原住蕊珠宮夢魂昨夜乘仙驥飽
看扶桑曉日紅

白雲片片護斑龍月姊星妃宛轉從朝罷玉京歸路迴佩
環聲繞碧芙蓉

晴香采采徧蘭茝欲寄湘妃隔暮江卻向銀河喚遙渡天
風飛下載花鱧

翠屏摺月影遲遲十二闌干倚徧時青鳥不來瑤館寂寞
陀花下獨吟詩

雙花雙葉九張機牛女相望見卻稀二萬聘錢償未得五

銖典到嫁時衣

玉宇高寒桂殿虛
姮娥化影託蟾蜍
一從偷喫長生藥
月裏年年伴兔居

古錦囊中一字無
心肝嘔出繡腸枯
始知長爪仙才盡
不及人閒鬼畫符

紅牆隱隱阻丹梯
十二層城路半迷
貪看碧桃三萬樹
不知下界夕陽西

一曲元靈韻最諧
翩翩虹裏舞花階
昨宵金母慈顏喜
親賜微臣七寶釵

蓬島春深長綠苔
自攜鴉背踏雲來
呼龍便下如酥雨
瑤

草琪花次第栽

星冠不整步逶迤
嬾捧香爐侍紫宸
正是阿環新病起
鏡

中瘦損玉精神

漢家天子意偏殷
留得羣仙坐夜分
酒半何人擊湘磬
彩雲飛墮范成君

髮雲踈地綠無痕
妝閣香殘晷尚溫
底事殷勤勞玉女
爲儂親捧洗頭盆

瓊編手校墨初乾
烏篆蟲書子細看
多少才人渾未識
卻教仙字蠹魚餐

珠箔生波鶴未還
侍兒招手暮雲閒
無端墮卻鉤簾玉
化

作織織月子彎

花落花開年復年
舊時姊妹隔情天
月明聽弄黃衫笛
一夜相思赴曉煙

的的明星照綺寮
不將錦字夜深挑
抽來電母千條線
織出鮫人一幅綃

一卷靈飛倦欲拋
暝煙涼冑女蘿梢
怪它采藥人歸晚
白玉雙扉月下敲

春風待宴聽琅璈
醉覆金觴浣纈袍
此日麻姑方病野
野猿來進綠蒲萄

經年小別憶秦娥
有約今宵載月過
幾度登樓望帆影
天

寫韻樓詩集 卷五

六

河風急浪花多

夢殘仙枕日痕斜
半拓窗紗理鬢鴉
忽聽畫櫳鸚鵡喚
藥闌新放玉蟬花

楓葉紅酣榭葉黃
蓬萊秋色勝春光
卻憐青女辛勞甚
搗盡元都萬斛霜

一剝雲腴活火烹
溟濛茶霧溼桃笙
愛它姑婦松閒奕
奕玉琤琤雜雨聲

斑竹鳴秋淚欲零
偶攜瑤瑟訪湘靈
絃絃彈出蒼梧怨
煙月淒迷不忍聽

火樹銀花紫靄凝
天街也放上元燈
詩心不逐蛾兒鬧
獨

倚瓊樓第一層

罡風忽動曉寒遒
開徧梅花怯下樓
孤負深山萬枝雪
不
會騎蝶到羅浮

海濤涼浣翠霞襟
獨對修篁理素琴
白鳳自飛魚自舞
更
無人賞水仙音

淡淡煙螺彩筆含
飛來詩思活於嵐
吟成未要題蕉葉
一
色雲箋割蔚藍

旃檀香裏道心添
花雨繽紛落綺欄
消得天仙三百劫
綠
窗趺坐讀楞嚴

瑤池一別判仙凡
回首年華疾似颿
愁煞杜蘭香下嫁
世

寫韻樓詩集

卷五

七

塵紅染藕絲衫

寫韻樓小酌索外子一笑

兒女羣然喜欲顛
阿耶真箇到樓前
追回舊夢三千里
快
讀新詩長短篇
回首雲中雞犬笑
放情江上鷺鷥眠
一杯
同向銀餅醉卻憶
花時送別筵

次韻外子病中雜詠四首

裁量刀尺倦時拋
新婦帷車且自嘲
弱體同扶秋善病
方
書細檢藥分包
小樓離思聽疏雨
歸夢今番穩
故巢重把
長安寄來信
丁寧莫遣小胥抄

人前生怕禮煩苛
習靜重樓煙雨多
詩思欲來呼阿瘦
女

名山痕幾點問雙螺大男名銀燈不礙彈棊近粉絮閒將寶

鏡摩更擬玲瓏望秋月水晶簾下夜如何

閒中粗遣婢知書獺祭蟲雕是小夫牛耳花壇應狎主蜂
腰詩病倩誰扶烹來第二香泉潔拜得初三月魄蘇最好
玉簫修舊譜空庭如水露如珠

織女牽牛好臥看任它燭影轉銅盤約金跳脫衣裳薄試
玉蟾蜍墨汁蟠兩部分明蛙語鬧一繩不定雁聲酸小山
雲外招借隱分得天香到廣寒

原詩

徐達源

遠游壯志一齊拋安穩樓居自解嘲熟趁朝眠紅日透

寫韻樓詩集 卷五

八

冷攤午飯綠荷包每憐喚婦鳩禁雨且看將雛燕定巢
偏是閒時忙不了叢殘詩卷手頻抄

嫩涼時候小蠲苛料理琴書靜趣多偶戲墨池閒吮筆
慣描山黛細研螺雙星臥看償離別一字吟安共揣摩
笑拍浮邱肩說與天人福慧果如何

相促晶簾讀道書未妨破了繡工夫酒微中倩風姨醉
影疊雙教月姊扶草上變聲秋作語花前醒骨病應蘇
藏鉤爭把靈犀賭一串拈來記事珠

閒攜兒女月中看笑指天邊白玉盤未必書如翻水熟
強將妝學鬢雲蟠挽須問字三分蠢入骨悲秋一剝酸

供養病身無別法折枝山桂膽餅寒

陸鶴臞上舍畫山水扇頭并題絕句見惠賦謝

簾卷東風午方倦送入飛花紅片片不解詩情何處來
隔著垂楊山一面阿誰繡閣補聯吟扇底新詞識苦心芥舟
窮老看雲死閒煞鶯湖好煙水

偶感

春光彈指又秋風丹杏霜楓一樣紅若把近來詩思問半
消瑣碎米鹽中

葉也香女士惠物

正是宮中添線時唾絨寄我一絲絲等閒分得天孫巧半

寫韻樓詩集

卷五

九

繡鴛央半繡詩

忽地春生拂面風西冷香氣粉痕融從知濃淡相宜法如
對山光水色中

奪得燕支山外山絳脣點處齒生寒原非殺粉調鉛手多
買何須畫牡丹

曉日臨窗梳裹宜髮光添潤露華滋生香帶得梧桐乳防
有釵頭小鳳知

題郭文學寒墟買醉圖次素君女史韻

西風漸緊葉聲乾況對青山分外寒沈醉難消愁易老不
知凭徧幾闌干

山紅澗碧有人家，遮莫餘杭酒可賒。何不臨邛親滌器，年年中酒在天涯。

題潘无害文學分湖草堂詩稿

無數閒愁成此詩，詩成只有月明知。買山錢少湖分占，說鬼才多字亦奇。臥雪經旬懷叔子，論心到處重袁絲。丁寧無忌工吟苦，甥馮珍時從游似舅還應似爾師。

唐陶山明府重葺六如居士祠墓繪圖徵詩賦

花庵歌四首

不是風流不是顛，也應豪傑也應仙。自從解得如如法，嗚口桃花化白蓮。

寫韻樓詩集

卷五

十

一弓地小認家山，草木荒荒夕照殷。試問桃花舊時面，不禁風雨也潸潸。

吳中士女說新奇，無數桃花有總持。何必兒孫澆麥飯，天教仙令管仙祠。

春風一櫂記春游，指點雲庵水上頭。此後重過看更好，桃花紅徧讀書樓。

春暮

小院東風一夜麤，曉來滿徑落紅鋪。凭闌要問雙蝴蝶，春去花閒知也無。

題袁彥羣遺詩

彥羣名姓湘滄徵君長子歿於武林

網讀遺編一愴然寧馨猶自憶當年聲清小鳳桐花路簾
卷西山暮雨天纔見桓温騎竹馬忽隨和靖證梅仙慧心
兒女無生法參透熏香小閣禪

馮錫珍以柳灣吟曉圖乞題爲書二絕

御當慘綠少年時垂柳垂楊解賦詩殘夢欲醒癡立久一
聲偷被曉鶯知

詩情何處手頻叉露重煙輕望欲遮曾記少時吟賞地一
簾如雪撲楊花

次韻外子自題畫梅

寫韻樓詩集卷五

十一

催開不倚東風力冷蘂疏枝頃刻成持向書窗應一笑居
然筆底有花生

閩中雜詠

梅花消瘦杏花肥一角紅樓夕照微任是春寒簾不
下要它香氣上人衣

風晨月夕未應孤著意尋詩一句無贏得家中人盡笑等
閒妨了繡工夫

一桁簾櫳下水晶自臨小楷自論評生成弱腕愁無力孤
負紅樓寫韻名

擷芳一集費吟哦江北江南著作多玉尺量才吾豈敢香

珠片璧爲搜羅

近輯諸
閩秀詩

題蝴蝶落花畫扇

雙雙蛺蝶任風斜，認得濃香夢裏家。
紅雨一簾飛不住，不知是淚是殘花。

春宵

寂寂春宵春已殘，惜春心事別離難。
只除三日不相見，便覺一燈爾許寒。花影上簾嫌我瘦，
露珠如淚替人彈。憎它檐外明明月，
一樣能分悲與歡。

苦吟

苦吟忘夜永，玉漏聲聲徹。詩成誰解聽，
細與燈花說。

寫韻樓詩集

卷五

馮甥乞題近草

小小樓頭問字來，每於月下費敲推。
何甥謝舅渾相似，持與農看也要猜。

裁雲鏤雪補新詞，最好芙蓉出水姿。
貪立曉風殘月裏，吟情只有柳絲知。

過牛鬪湖

尋詩秋最好，一水澹浮煙。萍細時黏楫，
蘆高欲入船。市聲晚更急，山色遠逾妍。
笑指崇祠近

謂凌太
常祠

斜陽古木邊

七夕

卽有銀河隔，何須鵲作橋。人閒勝天上，
良會只今宵。

寫韻樓對菊

西風吹轉漏聲聲月上簾紋漾水晶花樣似儂儂似影一
般瘦得不分明

不寐

殘燈如豆夢難成惱煞寒蛩四壁聲恰與斷腸人一樣淒
淒切切到天明

除夕

百和頻添未許消更燒紅燭坐書寮一年多少詩文債記
取聯吟只此宵

病中讀外子春日有感詩次韻

病骨支牀夜廢眠傾杯只與藥爲緣胃將辟穀仙難學腕
尙能書鬼見憐殘夢隨風歸幻境新愁如草長心田癡兒
猶爲頻頻禱繭卜無靈擲卦錢

癸亥花朝

百花生日偏逢雨爲乞天晴香暗燒不信今年更顛顛卻
從病裏過花朝

病劇口占

十指纖纖甚曾書萬字來不知人去後歷劫可成灰

附詩餘

梧桐影

遲外子不至

漏未殘香猶馥明日天工晴不晴玉蟲燒向燈前卜

南鄉子

題廖織雲女士畫

煙鎖雲平依稀此境昔曾經雞犬人家都不管山花亂
屋角斜陽紅一段

菩薩蠻

正月十二日外子風阻吳江作菩薩蠻詞寄懷緘

酬一闕

一番風信春來矣如何寂寞孤蓬底鈴語聽無聊三更

寫韻樓詩集

卷五

十四

第四橋

癡情誰解得細與殘燈說燈不管人愁花開

偏竝頭

唐多令

題竹陰美人畫扇

對雷頓書倉爐煙繞洞房望妝臺只隔紅牆半露腰身
剛一搦便料得小鞦韆底事費回腸推敲一字忙碎
秋心記起還忘最好幾重寒玉影千个字正當窗

清平樂

題馮甥月夜聽簫圖

碧桃開了春事江南早刻翠裁紅詩思好花信番番吟

到錫有二十四
番花信詞

阿誰紅豆親拈碧簫偷擲檐前贏得

玉人雙笑秦樓月正纖纖

先母寫韻樓遺集刻竣感賦

吾詩母所授少小解六義當母見背時吾年僅十二

遺詩五卷餘先後自編次吾父不忍觀扁鑰付芸笥

副本弟手抄

仲弟
晉錫

一字一掩淚弟歿已七年地下倘

懽侍吾讀吾母詩開卷輒酸鼻非徒戀春暉鵠原起

悲思

峩峩寫韻樓母昔樓中居廿年五遷徙家室浮萍如

此樓久易去回首長歎歎叢殘一束稿深懼飽蠹魚

寫韻樓詩集

卷五

五

集名載郡志閨閣交相譽曩者勒貞石吾感狂接輿

陸丈鶴
壚上舍

詩僅十之一世未觀全書豈不思餼板貧乏

貲無餘

風吹遊子衣浪跡入南海萬里手一囊中有母詩在

吾師嘗索觀

嘉慶庚辰顧耕石先生視
學嶺南銘以襄校在幕

展讀欣賞每

謂當梓以行潛德發其彩涕泣謝吾師鐵筆速礪乃

俄焉使星隕斯語竟相給悲師復悲母倏又逾十載

愴然撫遺編不孝滋吾罪

自吾不見母迄今三十年去年吾四十月日嗟逝川

生徒猥相慶治酒梅花前延陵吳公子

謂吳生
發泌

手奉

二萬錢青吾及吾母請以遺詩鐫老父極懽慰半載
刻已竣再拜告泉壤家祭陳一編母兮庶不朽此集
千秋傳

道光十二年歲次壬辰九月既望男晉鎔謹識

寫韻樓詩集 卷五

寫韻樓詩集題詞

呈珊瑚夫人並東山民

吳江 袁 棠

繭紙遙傳句法新墨花催放臘前春繡襦甲帳三生福琢
月雕雲一對人書客龐眉推李賀神仙佳婿數劉晨關心
蘿屋天寒補闈憐才此寂寞夫人與汪宜秋女
士有贈貽之雅

珊瑚夫人見和題集之作自愧前詩率爾輒別作二

首並呈山民仁兄

吳江 郭 麐

朱鳥文窗六扇開記曾親見阿鬟來繡襦甲帳新唐韻麝
月金星舊玉臺忽枉詩篇如麗錦便思供養與寒梅只憐
片紙樓頭落慙愧人呼沈宋才

寫韻樓詩集 題詞

碎玉零珠大可傷宜秋

汪女士
玉軫

窮老瘦吟

金女
士逸

亡神仙劫

到修難避閨閣才多命亦妨似此人間誇福慧居然夫婦
各文章櫻桃湖水梨花里管領春風特地長

寫韻樓詩集題後

吳江 朱春生

燒殘香篆不成絲寒雨聲沈漏點遲賸有一條紅蠟燭從
頭再展美人詩

越尾吳頭一角天詞壇某某說諸賢而今方信陳驚座秋
史
只拜高樓寫韻仙

新陽 魏 標

蘇家風骨謝家才妙語如花著手開人在梨花邨裏住題

箋柳帶暗香來

瓊窗盡日費吟思寫韻工餘又製詞一點靈犀數行墨
香下拜老袁絲

月浸妝樓露溼花頻將書字報秦嘉尋常朱鳥窗前語早
遣詩名占大家

刻翠裁紅字字安樓頭新詠付儂看
山民有新詠樓集誰知孝穆
才如海珊筆齊名屬彩鸞

吳江邱岡

龍尾光涵麝墨馨偶哦斷句補雲屏前人牙慧何曾捨特
為梅花發性靈

寫韻樓詩集

題詞

山民仁兄以珊冊夫人舊題拙集詩遺墨緘示感悼

之餘輒題二詩

夫人詩作於己未春尺絹細書山民未之知也癸亥夫人仙逝山民

乃檢得之余既爲作誄意有未盡復成此詩

鎮洋彭兆蓀

纔展生綃便泣然彩鸞遺札墨痕鮮吟當睡鴨銷香夜詩
賞明駝出塞年斑管風塵花黯澹綠窗煙素語纏絲中郎
寂寞桓譚少腸斷芙蓉鏡檻前

琅璈聽徧愛弦匏尺絹題詞手自鈔蓬累苦將羈士惜
函遲倩玉郎交三年繡段香猶在十斛珍珠淚共拋只合
萬重緹錦襲莫教塵劫網囁蚰

題珊冊吳安人遺集爲山民待詔作

一卷蘭荂點筆成清才值得被他卿若非蕭史親傳出誰識秦樓引鳳聲

讀桃詠絮也清新未便能驚賀季真今日麻姑壇下拜始知世有女仙人

畫眉纔了便拈題香閣聯吟到日西千百年來會幾見人間如此好夫妻

原是瑤臺暫謫仙早應歸去大羅天只因奉倩情難割畱住紅塵二十年

遙識空牀簾滿塵一看遺挂一傷神黃姑縱有天錢聘何

寫韻樓詩集

題詞

處還求此替人

微波惜不早通詞鶯脰湖邊展謁遲公幹自慳平視福美人歿後讀遺詩

羅敷媚

陽湖

洪亮吉

題寫韻樓遺集後並簡山民待詔

人間奇福都會占郎是蘭成妾是雙成讀畫敲詩歲屢更三生慧業終難昧寫韻前生用韻今生尙贖靈根付再生

當時分調吟花柳花也精神柳也精神共向樓頭羨璧人如今七夕中秋節星也含嗔月也含嗔拌得黃昏靜掩

門

輓珊珊夫人為山民先生作即題寫韻樓遺集後

吳江 郭鳳

愁絕高樓甲帳懸當時不合謫神仙孤飛青雀難同命一
寸黃陽厄閨年密字尙畱唐韻在新詞合付玉臺傳零星
手稿兼遺挂比似安仁倍黯然

新陽 顧 昉 原名國政

落花如夢雨如煙綺閣春殘人可憐一夜雲駢畱不住彩
鸞原是蕊珠仙

織錦才杼鏤雪詞繙來紅淚有千絲玉羅窗外明明月還

寫韻樓詩集 題詞

四

照荀郎腸斷時

吳江 葉樹枚

舊稿叢殘一理之蠶眠小字寫烏絲神仙謫降原難久心
血歐完是了期早識多才能折福其如結習只耽詩可知
作箇闈房秀也有黃楊厄閨時

仁和 嚴 炳

書裝玳瑁筆珊瑚寫韻仙人舊姓吳閨閣有才天亦忌不
然天上一仙無

壺中天

吳江 潘 眉

黃昏微雨漸畫簾翠冷雲白於絮消息近聽孤鳳語人在

玉樓寒處譜散秦簫字畱唐韻回首微塵聚乘槎人見天

孫此日花素

舊事卻話江鄉杜蘭萼綠

葉小鸞嚴蕊珠兩女士

更

謝家寒女

姚女士棲霞

冰雪聰明天總忘一霎鉢曇花雨冷笑

人間鳩槃九子壽比恆河數聽余謂語微之鈴淚如鑄

滿庭霜

崑山

徐雲路

酸雨敲窗盲風遞雁故人弦絕難膠搖空鳴珮歸路玉京
遙縹緲樓高寫韻銀蟾度屏掩香銷仙郎恨梨花落盡腸
斷畫眉橋 飄零萍梗寄記窺笛譜曾挂詩瓢只優曇一
現何處魂招招悵衡山署冷拌清俸營奠無聊雙聲杳絡
絲蟲苦四壁助蕭騷

寫韻樓詩集

題詞

五

翠樓吟

臨川

樂鈞

吳珊瑚夫人隕玉數年遺詩未梓魂依夢語倍愴
河陽丁卯春山民待詔客遊廣陵出以相示爲譜
此闋以助神傷

字折釵痕香畱粉印一束斷腸遺稿年時眞燕婉儘酬唱
月秋花曉東風偏惱把綺思飄殘詩魂吹倒簾櫳悄錦屏
無恙素琴僵了 草草蕙死蘭枯似者般酸淚替彈多少
傷心誰第一感郎處又兼才藻瑤京人杳更野渡船孤離
亭鐙小蕪城道獨吟誰和柳梢嗁鳥

石刻寫韻樓詩跋

善化

唐仲冕

寫韻樓詩徐山民待詔室人所作也題詠相莊幽芳自賞
卽竹外一枝知爲羅浮仙品宜其早返瑤臺矣待詔友人
陸鶴臞勒石以傳余爲之跋嘉慶十有二年長至月

郭慶

右珊珊夫人詩三十三首爲平望陸君鶴臞所書并爲刻
石置櫻桃湖之平波臺其風雅好事如此余聞陸君學道
有得豈屑屑語言文字間然其書固已儵然筆墨畦逕之
外足以寫玉臺瑤室之詞非五雲閣吏所可比倫矣珊珊
仙逝爲哀誄碑序者凡數十家而陸君以最後供養永之
貞石尤可尙也因應山民之請跋數字以識

寫韻樓詩集

題詞

六

吳縣 李福

道人姓陸號鶴臞詩書畫稱三絕是冊所書蓋徐山民待
詔珊珊夫人所作也余得交待詔時夫人已下世復因待
詔得交道人丁卯秋同頗愚補雲訪道人於鶯脰湖濱道
人出是以贈其詩與書俱有得於筆墨之外者夫人非凡
人道入亦有道哉嘉慶己巳清明後五日跋

題石刻寫韻樓詩搨本

吳江 邱璋

梅花妝點柳花飄花骨由來未官銷一鏤吟魂招不得鶯
湖煙水虎山橋

勒將片石寶瓊瑰萬字何曾怕劫灰

用夫人病劇口占詩意

卻被罡

風吹一天邊引得鶴聲來

謂鶴躍

鶯湖載月圖爲珊珊夫人作并系以詩時辛酉花朝

前一日

袁崇

平波臺下柳鬢髻鶯脰湖心月色多夜靜忽聞流水響跳
魚如拍扣舷歌

小蒸近接大姚西趙管風情託水泥一種平湖古時月如
何來往未畱題

吟到秋聲柳萬條波平月迴碧天寥玉臺莫更誇新詠五
字唐音洗六朝

須知霧鬢與雲鬢難寫蒼煙夜色閒金碧便思摹小李待

寫韻樓詩集

題詞

七

君跨虎越王山

題珊珊夫人鶯湖載月圖

婁縣

張若采

月波涼影泛瑤文侍宴歸來夜色分畢竟仙家飛渡易蓬
山祇隔一層雲

湖煙湖樹望低迷兩岸芙蓉卻放齊一縷妙香風引處先
傳歸夢小樓西

插簷箕斗漸闌干各倚玻璃耐性看未悉迎門雙笑候是
誰先問露華寒

一曲靈簫花漏遲畫匳著意繡絲絲雲璈從此添新譜爭

唱天孫喚渡詩

夫人於舟中得詩
二律乃絕唱也

郭 麐

素娥邀與鬥嬋娟涼斂晶簪不道寒知否濃香淺夢裏幾
家閒煞好闌干

每於對月苦思家水驛山程別路賒記得分明倚虛幌不
知酒醒在天涯

郭 鳳

一天清露夜涼生十里湖波分外明約束風姨休作惡素
娥親送美人行
樓前新詠有人看想著篷窗玉臂寒應喚長年急打槳到
家雙照倚闌干

寫韻樓詩集 題詞

八

吳江 鄭 鑽

中流打槳白蘋開天遣嫦娥送一回贏得隔湖人笑說夜
深神女弄珠來
歸途頻問夜如何微步新涼上襪羅卻憶闌干人獨倚露
寒可似水寒多

謹題姘氏鶯湖載月圖並請山民舅氏誨正

吳江 馮 珍

星稀露白欲三更瑟瑟微涼翠裊生最好扁舟輕似葉載
人還載月同行

珊瑚夫人鶯湖載月遺照山民先生屬題

昭文

孫原湘

澄湖空明天作底孤蟾貼水飛不起美人清影落鏡中詩
骨惟憑露華洗此時萬夢酣紅塵不知世有清吟人推蓬
一笑看天際亭亭素魄原前身歸來雙淚紅闌干珮聲輕
飛入廣寒空餘寫韻樓頭月還作湖心白玉盤

嘉善

黃安濤

水佩風裳縹緲間修蛾一抹鬥遙山最憐波上驚鴻影留

照纖纖月一彎

跨鸞人去幾多年臘有湖頭一葉船夫壻應憐故人好一
回打槳一潸然

寫韻樓詩集

題詞

九

山民先生枉過草堂屬題珊瑚夫人鶯湖載月圖遺

照

甘泉

張彭年

披圖空見水雲舟往事如煙去不畱化作二分明月影相

隨夫壻到揚州

鶯湖風月已前塵邨更蕪城客裏身來往平山堂下路扁

舟愁煞倦遊人

明月權孤舟

安邑

宋葆淳

追寫珊瑚夫人鶯湖載月圖并系以詞

鶯脰湖邊明月夜弄扁舟遠山如畫寶鏡隘開澄波碧靜
送得玉人歸也 寫韻樓空聽雨罷寒蟾皎隔簾怯射露

冷花陰人憐影瘦藝苑又添佳話

題天平攬勝圖

張若采

劉綱夫婦戲人間不呪桃花愛看山
難道蓬萊游不足勝緣翻在小煙鬟

方亭四面畫闌晴闌外風泉一道明
曾是哦煙雙笑處至今流水帶吟聲

綵雲徧繞碧芙蓉人道飛仙石徑逢
詫絕朝天山萬笏一齊低首拜眉峰

闕風扶屐太憨生只揀苔花滑處行
要與山靈增典故有湖嵌便有題名

寫韻樓詩集 題詞

十

郭 麐

游仙原只在人間一樣天風響佩環
卻笑乘鸞太多事隔重煙霧看湖山

能賦登高未易才金庭石室爲君開
五湖秋水明如鏡照見峰頭玉女來

歌罷五噫我向東山陰歸櫂太恩恩
披圖笑問梁鴻婦記否千巖萬壑中

題柳陰雙槳圖

張若采

采采煙波討豔春萬花擁櫂門妝新
不知何處游仙舫無數鴛央護美人

拾得風前七字珠鏡，心眉翠兩躊躇。憑郎試問纖纖柳，如此清吟聽過無。
山民有柳陰雙槩載春多之句，因繪爲圖。

微雲夫婿女仙娥，寫韻分研眉子螺。記得山妻常笑說他家纔算占春多。

勞我離亭一葉舟，送迎漸起道旁愁。何人更說風流樣，回首靈和易白頭。

吳江許蔚

春流卻似潑新醅，蘭槳輕移荇葉開。多事封家姨十八飛花都向鬢邊來。

櫻桃湖水不生波，羅襪曾傳蹋月過。今夜一丸楊柳外，照

寫韻樓詩集題詞

士

來雙影更如何。
夫人舊有鶯湖載月圖。

鄭 鑽

柳倦絮零星，東風吹易醒。兩頭簫管坐雙笑，鷺鷥聽春好。濃於畫船輕活似萍，遙山墮蓬底，分與一痕青。

清平樂

郭 麀

鴉兒搓就小試調酥，手眉葉腰身誰比瘦。春水生來先皺芳草，一路芊眠江南春盡如天。不信別家樓上陌頭柳色年年。

齊天樂

長洲陶樾

頗黎碧碎搖雙槩，東風正梳鬢。柳茶竈船頭鏡匣，窮底載

去青衫紅裏吟懷暗逗恰香絮新詞偎肩就比較眉痕
隔溪添个遠山瘦 韶華容易去也商量圖畫裏畱春差
久寫韻分箋賞花門茗豔福幾人消受凭舷低扣笑風月
他家多番孤負且醉煙波閒情儂似酒

珊瑚夫人鏡閣所藏凝香主人翠墨山民索加評泊

用子白聽雨韻題之

彭兆蓀

香浮春動墨波開猶帶脂痕粉印來百首證成靈匹果干
秋生就斷腸才阿誰對影分江管累我題牋費海苔要把
桃花和露盥一篇詩奠一深杯

寫韻樓舊藏顧橫波夫人墨蘭畫冊柳蘼蕪題句其

寫韻樓詩集 題詞

十一

上系以二絕

長洲 顧元熙

妝閣春深讀楚辭澧蘭沅芷最堪思蛾眉絕代無人畫淡
掃煙螺三兩枝

小字蘼蕪舞態斜返魂香在玉鴉叉金貂夫婿皆癡絕孤
負靈均九畹花

嘉善

黃若濟

幽花不自妍託意鏡臺前小試湘江管初停蜀國絃靜香
依淺黛流水寫春煙淒絕蘼蕪怨魂嗁露葉邊

洞仙歌

郭 麐

爲珊瑚夫人題扇

繡襦甲帳有當年珍偶跨虎重來事依舊向櫻桃湖卜
鵲軒開平視慣也爲洛神低首 人間與天上何啻佳人
脩竹蕭蕭倚寒爽福慧此應無螢火詩成定小試畫羅織

手問何不當初畫乘鸞想霧鬢風鬟見時還又

夫人有詠螢詩

詠寫韻樓墨

吳江陳佐猷

雲閃歸雅黑飛來鬣鬣光詞壇磨歲月墨寶抵琳琅傾汁
三升膩懸規一寸強丸分螺子小材選麝煤良默守溫而
澤陰凝動也剛點晴融黝漆鍊骨搗元霜手潑防襟污頭
濡笑酒狂如金名士惜洗硯右軍忙珊架添新詠蘭閨發
舊藏畫成山黛色研到水波香美女書摹衛仙人韻寫唐
烏玉玦合貯皂羅囊製仿延珪古神教奉倩傷星妃臍鑿
石珍重鏡臺旁

詠寫韻樓校書之丹

吳江殷壽彭

秘笈攜勾漏文匱伴彩鸞樓高雲護絳書古露研丹細碾
花甃屑頻淘赤水瀾黏膠清去滓模范印成丸錦奪千絲
麗爐窺九轉難輕勻調硯匣珍重上詩壇朱烏當窗啓烏
皮散帙攤滴來宜點易夢裏記吞韓蘸筆分螺墨支牀配
瑠盤抹將紅勒帛看誤碧琅玕骨換羣仙豔鉛塗一字刊
紺珠拋錯落彤史補叢殘楮赫疑顏渥霞烘慮瀋乾讀隨

積雪映藏借紫泥
蟠鴻寶丁籤富駒光
甲帳寒遺編唐韻
在佩響尙珊瑚

寫韻樓連環硯銘爲山民仁兄作

長洲

孫晉懃

循之無端如平生歡

珊瑚夫人竹鏡臺銘

青天兮蜚去彩鸞一枝曾棲兮畱報君以平安

雨後登寫韻樓呈山民師

震澤

趙筠

衆綠納窗裏溼煙浮遠邨春酣萬家夢雲衛一樓尊舊句
籠紗澹奇書對酒温不禁根觸在鴻雪認前痕

寫韻樓詩集

題詞

十四

謹題寫韻樓遺集應雙螺仁兄之屬卽請山民先生

世丈誨正

南匯

賈榮懷

奉倩吟身正健時翩翩小鳳亦英奇
機頭爲憶青燈訓篋裏重鐫白雪辭
論格當年追宋代言情今日補風詩知君
展卷神先愴幾點山痕苦繫思

山痕幾點問雙螺集中句也

元和

朱綬

泚筆鶯湖水詩情不染塵露香琴几潤煙思鏡奩新秀句
編形管哀辭泐翠珉徐悱頭盡白開卷每傷神

遺稿佳兒錄沈檀碧錦囊流傳滿闈闈珍重比球瑯月采
秋逾絢芝英夜有光然脂須暝寫蘭茝擷幽芳

泠泠仙籟奏雲和寫入房中錦瑟歌重過翠巢題墨處綠
蕉如夢雨聲多集中坐翡翠閣句云鈔就詩
篇餘墨在綠蕉幾葉寫黃庭

仙壇歸去隔層霄定比長安路更遙天上瑤情無恙否可

書花葉寄文簫山民先生官京師
半年郵寄詩甚多

我亦淒涼玉鏡分椒花作頰也能文春風同此傷心淚紅

杏開時哭細君丙子陳孺人亦於
二月廿三日去世

孝穆詩名並玉臺即看雛鳳亦清才怪渠正字蓮花色曾

授摩耶密印來命子雙螺
亦工詩

讀寫韻樓詩竟敬次集中題小謨鴈館詩韻二首

寫韻樓詩集題詞

十五

吳縣蔣如洛

生來仙骨洗凡庸自畫雙眉入遠峯秀出陌頭楊柳色清

聞花外夕陽鐘此詩曾下英雄淚斯集全披錦繡胸莫道

性天無異稟賦才已覺不能備

護親掄指正同時惜未傳觀此妙辭儻使笑言當日洽定

然酬唱各情癡塵寰地隔因慳遇仙境樓居或見知證到

前脩宗一姓月中姊妹認清姿先母吳孺人有
靜香樓詩鈔

